

1. Ry Jehovah ô, tao am-ponay
 ilay fanantenana,
 Dia niredareda toy ny afo,
 zarainay fa tsy tana.
 Nefa mafy koa ny iaretanay,
 mampamoy fo 'ndraindray.
 Ka 'lay afo tao am-ponay,
 toa nitsilopy indray.

(*AVERINA ISAN'ANDININY*)

*Ianao 'lay aro sy andry
 iankinanay,
 Mitantana anay, toy ny ray.
 Miadan-tsaina izahay
 manao ny asanao,
 satria ianao no tokinay.*

2. Hatanjaho, Jehovah, ny fonay
 f'ianao tsy hamela irery,
 Ary hanampy anay mba hisetra
 izay tadio mahery.
 'Zay no hampiredareda indray
 ilay afo saika maty,
 Ka ho sahy hitory izahay
 fa tony ny ao anaty.

(*Averina isan'andininy*)